

AKHBAR : BERITA HARIAN

MUKA SURAT : 73

RUANGAN : WANITA & KELUARGA

## Harap dana lebih tinggi Belanjawan 2020

**Kuala Lumpur:** Kementerian Kesihatan berharap mendapat peruntukan lebih tinggi menerusi Belanjawan 2020 yang akan dibentang pada 11 Oktober ini, supaya dapat meningkatkan kualiti perkhidmatan semua hospital awam di negara ini.

Ketua Pengarah Kesihatan, Datuk Dr Noor Hisham Abdullah, berkata dengan peruntukan itu, pihaknya dapat menambah jumlah kakitangan, terutama doktor dan pakar bagi mengatasi masalah menunggu lama untuk menerima rawatan.

“Tidak dinafikan masalah kesesakan ini berlaku hampir di semua hospital awam.

“Hospital Selayang dan Serdang bukan sahaja sesak disebabkan kekurangan doktor pakar dan kakitangan sokongan, malah termasuk bahagian kaunter.

“Sekiranya dapat peruntukan, tumpuan utama untuk mengatasi masalah ini bagi mengurangkan tempoh menunggu, untuk berjumpa doktor selain menambah kelengkapan sedia ada,” katanya.

Beliau mengulas laporan *BH*, semalam mengenai masa menunggu lama untuk pendaftaran dan kesesakan parkir di Hospital Selayang dan Hospital Serdang sehingga ada pesakit yang terpaksa keluar seawal jam 5.30 pagi.

AKHBAR : BERITA HARIAN  
MUKA SURAT : 22  
RUANGAN : NASIONAL

# Tiada kes demam kuning

Malaysia ada risiko transmisi jangkitan disebabkan nyamuk aedes

Oleh Mohd Nasaruddin Parzi  
ohnews@bh.com.my

**Kuala Lumpur:** Tiada kes demam kuning dilaporkan setakat ini, namun Malaysia mempunyai risiko transmisi jangkitan penyakit itu disebabkan terdapatnya nyamuk aedes.

Ketua Pengarah Kesihatan, Daik Dr Noor Hisham Abdullah, berkata virus demam kuning boleh dibawa masuk ke negara ini melalui pelawat yang tiba dari negara berisiko, terutama individu tertentu yang tidak mengambil sebarang vaksin dan pernah ijangkiti penyakit itu.

"Kementerian terus memperngkat langkah mencegah kemungkinan penyakit ini ke dalam negara selaras keperluan Peraturan-peraturan Kesihatan Antarabangsa (IHR) 2005 dan Akta Pencegahan Penyakit Berjangkit Kementerian Kesihatan 1988," katanya dalam satu kenyataan, di ni, semalam.

Beliau menasihatkan rakyat yang ingin melawat negara berisiko mengalami transmisi demam kuning supaya mendapatkan suntikan vaksin selewat-lewatnya 10 hari sebelum tarikh berlepas ke negara berkenaan.

"(Mereka perlu) membawa berma sijil imunisasi yang sah masa perjalanan ke luar negara. Vaksin Demam Kuning boleh diperoleh di Pusat Vaksinasi Demam Kuning yang diiktiraf oleh kementerian," katanya.

Kata beliau, pihaknya ambil aklim isu wabak Demam Kuning melanda Nigeria sejak 1905 lalu menerusi maklumat direoleh dari Nigeria CDC Situa-

## Demam kuning



» Penyakit berjangkit bawaan nyamuk Aedes



» Dibawa masuk ke Malaysia melalui pelawat dari negara berisiko



» Kebiasaannya 85 peratus kes menunjukkan gejala ringan atau tiada sebarang gejala.



» Gejala seperti demam, badan menggigil, sakit badan, sakit kepala, loya dan muntah semasa fasa pertama.



» Pesakit alami demam dengan jaundis, sakit bahagian abdomen, muntah dan pendarahan.



» 15% » 15 peratus daripada kes fasa pertama masuk ke fasa kedua.

» 50 peratus daripada kes-kes di fasa kedua ini akan meninggal dunia.

tion Report selain daripada laman sesawang Xinhuanet.com yang melaporkan 16 kematian disebabkan demam kuning di Bauchi, Utara Nigeria minggu lalu.

Dr Noor Hisham berkata, tiada rawatan khusus untuk penyakit terbabit pada masa sekarang, namun pengambilan vaksin demam kuning boleh mencegah jangkitan.

Beliau berkata, kementeriannya mengambil beberapa langkah kawalan, antaranya bekerjasama dengan Jabatan Imigrasi Malaysia bagi membuat saringan sijil vaksinasi demam kuning di pintu masuk negara.

"Kita juga bekerjasama dengan Kementerian Pendidikan untuk

memastikan keperluan vaksinasi dalam kalangan pelajar asing, mempertingkat kapasiti dan keupayaan di beberapa makmal, memperkuat survelan, kawalan dan pencegahan nyamuk aedes.

"Selain itu, kewaspadaan dalam kalangan anggota kesihatan dan kerjasama dengan agensi berkaitan termasuk Kementerian Luar serta Kementerian Pelancongan, Seni dan Budaya turut dipertingkatkan," katanya.

Kementerian Kesihatan turut memantau acara membabitkan peserta antarabangsa melalui kerjasama dengan pengajur, meriksa yang memohon untuk menjadi Pusat Vaksinasi Demam Kuning.

Negara-negara berisiko mengalami transmisi Demam Kuning

### AFRIKA (29 NEGARA)

- » Angola
- » Benin
- » Burkina Faso
- » Burundi
- » Cameroon
- » Republik Afrika Tengah
- » Chad
- » Congo
- » Ivory Coast
- » Congo
- » Equatorial Guinea
- » Ethiopia
- » Gabon
- » Gambia
- » Ghana
- » Guinea
- » Guinea Bissau
- » Kenya
- » Liberia
- » Mali
- » Mauritania
- » Niger
- » Nigeria
- » Senegal
- » Sierra Leone
- » Sudan Selatan
- » Sudan
- » Togo
- » Uganda

### AMERIKA SELATAN DAN TENGAH (13 NEGARA)

- » Argentina
- » Bolivia
- » Brazil
- » Colombia
- » Ecuador
- » French Guiana
- » Guyana
- » Panama
- » Paraguay
- » Peru
- » Surinam
- » Trinidad & Tobago
- » Venezuela

AKHBAR : HARIAN METRO

MUKA SURAT : 48

RUANGAN : WAJAH-WAJAH

# GOTONG-ROYONG MEGA 2.0



MURID sekolah yang mengambil bahagian dalam program Gotong-Royong Mega 2.0 Peringkat Negeri Terengganu di Taman Purnama, Kampung Tok Adis, Kuala Ibai, Kuala Terengganu, baru-baru ini.

1. MURID sekolah yang mengambil bahagian dalam program Gotong-Royong Mega 2.0 Peringkat Negeri Terengganu di Taman Purnama, Kampung Tok Adis, Kuala Ibai, Kuala Terengganu, baru-baru ini.



2. ORANG ramai yang menyertai program mendengar taklimat.



3. IKRAR membasmikan des turut dilakukan pada program itu.